

**GANA PREMIONAN VALIOSO PARTICIPA DEN E CONCURSO DI AROZ UNCLE BEN**

Awar bo por gana premio cu cushnamento. Corta e paniet di Uncle Ben y di cuakier caja of sacu di aroz Uncle Ben.

Skirbi po recept favorito patras di dje y mandele of entreguele na:

**E.G. MARTIJN, - Havenstraat 10...**

1 premio un precioso TELEVISOR, y lo tin nueve otro premio mas.

**Participa awor!**

# ARUBA ANSE COURANT



Diario pa



Aruba



**SWIFT**

**PORKHAM-JAMONADA**  
Prepara segun un proceso especial.

Un delicatessen ariba sandwich.

Agente: **Wimco**

DIAMARS 24 DI SEPTEMBER 1963

No. 4749



## „The Statia” mester bira resort hotel mas bunita den teritorio di Caribe

*Awa y electricidad pa St. Eustatius den vista*

ORANJESTAD, 24 sept. — Diadomingo dia 16 di november 1964, ora cu ta net 188 anja pasa, cu e canjonnan di Fort Oranje na St. Eustatius a saluda e bandera Mericana di un barcu comerciante cu tabata pasa, un grupo di financieronan Mericana, abagadanan, hendenan di hotel y technicanan ta spera di habri ariba e beach paca pa noord di Oranjestad un hotel ultramoderno: „The Statia”. E tumadornan di e iniciativa kier haci „The Statia” cu su 120 suite, e resort hotel mas bunita di henter e teritoria di Caribe.

Siman pasa den presencia di minister E.O. Petronia y Lope Beaulon y e Gezaghheber di Islanan Ariba Japa Beaulon, e plannan a warde muestra na e representantenan di gobierno den Pasangrahan di St. Eustatius.

Na e ocasion ey gezaghheber Beaulon a priminti su cooperacion di mas grandi na e plan aki, cu no ta trata pa duna St. Eustatius solamente un hotel grandi y moderno y un tereno di golf cu lo corre di e costa di Caribe pa costa Atlantico, pero alavez un aeropuerto mas grandi y un fabrica di awa cu un central di electricidad.

Pa tur esaki Island Industries N.V. e compania cu na cuminsamento di e anja aki a keda establece door di e tumadornan di iniciativa Mericano pa e fin aki na Antillas, lo percura.

Na Aruba actualmente tin tres di e tumadornan di iniciativa: srs. E.M. Chafets, president di Islands Industries N.V., alavez comisario, senyor M.T. Hyman, tesoroero y comisario y senyor R. Ketover, comisario. Pakiko nan grupo, cu a cuminsa na Merca bao di e nomber Stuyvesant Associates, a escoge St. Eustatius pa e hotel aki?

Segun senyor Chafets a splica na prome lugar e relacion historico entre e isla aki y Merca ta di gran importancia: e tiru di canjon di 16 di november 1776, cu cual pa di prome biaha e bandera di Merca a keda reconece oficialmente.

Esaki ta un factor fuerte di sentimentu.

tu, cual lo haci St. Eustatius di antemano simpatico pa e turistanan Mericano. Ademas nan a busca un isla, cu ainda no tin turismo, cu ta tranquil y sin embargo ta ofrece e turista hopi atraccion. St. Eustatius ta cumpli cu e condicion aki cu su seranan magnifico y su vulcano „Quill” e costa norte violento y e costa sur ketu, su beach di 50 meter di hanchura, e forti y su posibilidadnan pa traha un tereno di golf sublime.

### Pueblo Caribenjo

E hotel cu lo worde traha poco pa noord di Oranjestad na e beach hanchu di Caribe, ta priminti di bira unico den hopi sentido. E lo consisti di dos parti: e edificio ultramoderno den forma di un S den cual e 120 kamber ta keda y net su tras, entre e edificio y e beach e „Pueblo Caribenjo” den cual e tal „public spaces” ta keda: sala di come, sala di hunga, bakery, bar, nightclub etc. E hotel lo hania dos piso so, esta un parterre y prome piso. Cada kamber lo ta un suite, instala masha luhoso. Pa trece e naturaleza bunita di St. Eustatius paden p.e. e muraya di patras di e dormitorio lo ser construi di tal forma, cu hopi mata tropico lo por crece contra esey, tambe gracias na un

pida di plafond cu ta laga luz di dia pasa, net ariba di dje.

E pueblo Caribenjo ta consisti di diferente edificionan chikito, tur traha den otro estilo, rond di un plaza chikito. Asina e panaderia ta keda den un antiguo molina di sucu tipico Caribenjo y e comedior grandi tin un construcion di hoog cu ta parce Frances. E sala di hunga sin embargo ta den estilo antiguo Hulandes y e bar lo musta un barcu di pirata. Segun e disenjadornan a sigura nos e ta bira algu masha gracioso di tur parti di mundo.

Lunch lo worde sirbi bao di matanan di coco, mientras cu anochi ora e huespednan ta cansa di balia bao di estrellanan of ta bira poco friu, henter e plaza di e pueblo por worde cubri cu un simpel maniobera. Mientras cu e edificionan rond ta forma e murayanan, asina un nightclub agradabel, completamente airecondiciona ta worde crea.

**FATUM — Tel.: 1845**  
**pa tur bo aseguranan**

### Tereno di golf

Unico tereno di golf lo bira, cu Island Industries N.V., cual a sigura su mes di e servicionan di e oficina di abogado di mr. H.C. Willemse pa e trabao preparativo y seramento di contractnan, kier bai construi na St. Eustatius.

Manera investigacionnan a indica e isla e lo corre di costa Atlantico pa costa di Caribe.

Senjora Dick Wilson, na Merca un conocido constructor di terenonan di golf, a worde acerca e isla tocante esaki, y apesar cu el a mira solamente portretan di e lugar e ta masha entusiasma di local St. Eustatius por ofrece e hungador di golf. E plannan ta pa construi na St. Eustatius un tal double

holes tereno di golf, pues 9 holes cu 18 tees.

### Awa y electricidad


Hopi e tumadornan di iniciativa aki no por a bisa ainda tocante nan plannan pa ademas di e hotel cu tereno di golf, tambe construi un fabrica di awa y empresa di electricidad. En todo caso e ta bira un empresa di destilacion pa awa di laman.

Esaki ta forma un parti integrante di henter e plan di hotel y seguramento e constructornan di hotel lo no kier reserva cierto bendicionnan di tecnica moderno pa nan mes.

Un otro parti di henter e proyecto ta forma e extension di e airstrip di St. Eustatius door di cual mester bira posibel pa transporta e huespednan di hotel den mas gran cantidad cu actualmente ta e caso. Tambe tocante esaki senyor Chafets no por a bisa mucho, como cu tambe esaki ta forma un punto importante di deliberacion cu gobierno, cu a worde pidi pa participa den e proyecto. Interes di banda di gobiernu tanto di land como di eiland te ainda, segun senyor Chafets a sigura, ta cordial y por cien porciento.

„The Statia” cu ta worde explota, pa e tumadornan di iniciativa mes — den e grupo tambe tin diferente hende di hotel prominente — despues di e apertura lo duna trabao na 150 habitante di St. Eustatius. Den e cifra aki no ta inclui esnan cu lo hanja un trabao den e fabrica di awa etc.

Actualmente e hendenan di Island Industries a haci hopi trabao caba. Poco dia pasa nan a bini cu un grupo di por lo menos 24 tecnico riba diferente tereno, manera geologonan, experto di hotel, arquitecto, contratista y hopi mas, na Islanan Ariba. Tambe senyor Willemse y su asistente Juan B. Wix a biaha hopi pa „Ariba” pa duna consejo y juda especialmente cu e faceta nan di e proyecto cu ta keda riba nan tereno especial. „Ta bai bon” senyor Chafets ta bisa cu ta jen di confianza cu „The Statia” lo worde inaugura dia 16 di november 1964.



Siman pasa e encargo definitivo a worde duna na architect Geo A. Scott di e oficina di architect di Petrona & Croes, pa traha e plannan pa extension di Aruba Caribbean Hotel. Ultimamente el a traha algun disenjonan,

for di cual awor e seleccion definitivo a tuma lugar. E extension, di 80 kamber ta manera cu por worde mira ariba e notret aki di e mas un estilo cu e edificio mayor. Ta worde spera cu e destajo publico pa esaki lo por tuma

Esaki ta e disenjo di „The Statia”, un hotel pa cual ta existi plannan na construi na St. Eustatius. Pa tras nos ta mira e hotel cu su dos piso, mientras cu adifanti mar Caribe ta hunca cu e beach y un drechi e vocan „Quill”.

### Segun A.O.B. su buki: GASTONAN DI COMESTIBLES A SUBI 12% DEN CINCU ANJA

ORANJESTAD, 24 sept. — Un grupo di miembronan di Arubaanse Onderwijsbond a haci un investigacion priva pa e submento di e cuenta di comestibles desde 1958. Nan a compara e prijsnan di como cincuenta articulo, kitando articulonan cu ta cambia di calidad y articulonan di temporada. Di esakinan ocho a keda cu mesun prijs cu na '58, cuater a subi mas cu 3% den prijs, cinco a baha cu mas di 3% den prijs, mientras cu tur otro articulo a subi mas cu 3% den prijs. E investigadornan ademas a lega na e conclusion cu awe un dia ta paga 12% mas cu cinco anja pasa pa comestibles.

### HENRIETTE VAN DAM RIBA COLLEGE INGLES

ORANJESTAD, 24 sept. — Di Colby Junior College na New London, Inglaterra nos a ricibi noticia cu senjorita Henriette van Dam a worde inscribi aya pa e curso cu a cuminsa den „liberal arts”. El a cuminsa dia 15 di september u.p. cu su prome orientacion riba e school. E klasnan a cuminsa dia 18 u.p. E ta un di e 283 alumnunan, entre cual hopi di exterior, cu ta cuminsa cu e prome anja di school. Colby's ta un college pa mucha muher.

### „BAO DI KW'HI”: CORANT DI LA SALLE COLLEGE

ORANJESTAD, 24 sept. Den e dianan aki e prome number di e corant nobo di La Salle College, cual ta carga e nomber di „Bao di Kw'hi”, a worde publica, esaki na nomber di e palo di kw'hi grandi di ariba e plaza di school bao di cual e hobennan di e school ta sinti hunto. E redac or hefe di e edicion aki ta L. Macdonnie, secretario ta Silvio Emerencia. E. Lasten ta tesoroero. Hubert Oduher y Emiel Herde colaboradornan artistico (dehuj) y Mirto Oduher, R. Blume, W. Pieterella y L. Medina colaboradornan di redaccion di Censor lo ta den man di frere Paulus. E intencion di e „Bao di Kw'hi” ta pa forma un lazo entre e alumnunan. Den un peticion na su coleganan di school e miembro di redaccion Mediana ta pidi pa conat: „nos kier articulonan cu tin algo di haci cu nos school of Aruba. Tin hopi di scribi tocante obheonan interesante, manera Baredadera e aeropuerto nobo y turismo”. E protectionan probablemente tin e hubentud den nan gora. Na un otro caminda e redactor hefe ta bisa: „Nos ta cla pa ricibi critica. Pero no kibra unicamen... nos tin di construi. Esun cu ataca... para cla pa defende. Redaccion ta contesta cu gusto.”

Get after  
**Athlete's Foot**  
**FAST!** Absorbine Jr.

Left untreated, Athlete's Foot organisms burrow and spread — may get into your bloodstream and lead to serious infection. At the very first sign of raw, red cracks between your toes, apply liquid Absorbine Jr. That tingling sensation you feel tells you Absorbine Jr. is busy killing all the fungi it reaches. Absorbine Jr. is America's No. 1 Athlete's Foot Formula.

Available at all drugstores  
Agents: **MARCHENA, MORON & CO., N.Y.**



Ultimamente a bolbe for di Islanan Ariba, ministro Petronia y Beaulon hunto cu senjora biuda Maria Yrausquin, kendenan a asisti y a tuma parti na e inauguracion di Juancho Irausquin Airport na Saba. Den un combersacion cu nos tabatin cu senjora Irausquin, el a bisa nos cu el a keda sumamente emocionado y contento cu e manera cu el a worde ricibi na e Islanan Ariba. Segun el a conta nos el a contra hopi conocirnan cu antes tabata biba na Aruba y kendenan a duné hopi regalo. Senjora Irausquin tabata impresiona especialmente pa e cambianon cu a tuma lugar na e islanan aki den e ultimo diez anjanan. Aki nos ta mira di robez pa drechi miinstro Petronia, senjora Irausquin y ministro Beaulon despues di nan yegada na aeropuerto na Aruba, wardando (pidiendo) ariba nan maletanan.

### GEZAGHEBBER Y DEPUTADO A REGRESA

ORANJESTAD, 24 sept. — Diadomingo ultimo Gezaghheber O.S. Henriquez y diputado A. Falconi a bolbe Aruba. Gezaghheber a yega Aruba for di New York cu Trans Caribbean Airways, caminda el a asisti como advisor di e delegacion Anillano na finalizacion di e deliberacionnan tocante asuntunan di belasting. Senyor Falconi a regresa cu Aerocar. El a keda un siman na Colombia pa tratamento medico. Gezaghheber y e diputado a regresa despues di exactamente un siman di estadia den exterior.

### SCHERMER NA LUGAR DI STENZEN

ORANJESTAD, 24 sept. — Ora cu preto senyor Ad. Stenzen, maestro di viol di Arubaanse Muziekchool, dirigente di mas o menos tres koro, y tambe di Arubaanse Symphonie Orkest laga Aruba, lo e worde remplaza pa e parcha Schermer. Senyor Schermer ta remplazante promer trombonista den e Concertgebouw Orkest na Amsterdam, mientras cu el a studia cantamento tambe; senjora Schermer ta violista. Asina ta e manera ta muestra e lesnan di viol, korean y orkestra por continua sin ningun peliger. Como cu na ta worde spera cu e parcha Schermer lo yega Aruba prome cu dia uno januari 1964, senyor Stenzen probablemente lo keda te e tempo ey na Aruba.



FRESCURA DI MENTOL  
SABOR RICO DI TABACO  
FILTER MODERNO

**A. A. TA ENTREGA PREMIO DIA 30**

ORANJESTAD, 24 sept. — E entrega di premionan di e encuentro di dibujamento, cual a worde organiza pa e Organizacion pa Combati Abuso di Alcohol na Aruba, lo tuma lugar ariba dia 30 di e luna aki. Esaki lo tuma lugar pa 7 or di anochi den e club di R.C.A. na Solito.

### COMPETITIE A.V.B.

Awenochi pa 7.30 den WILHELMINA STADION

**ESTRELLA vs. SAN. NIC. JRS.**  
(HOOFDKASSE)

ENTRADA: Tribuna cu dak Fl. 1.—  
Tribuna sin dak Fl. 0.50  
Mucha militar prijs.

### FUTBOL FUTBOL FUTBOL

A.V.B. ta presenta un grandioso encuentra di futbol entre:

**ARUBA y CANADA**  
diahuebs, 26 di september pa 8'or den  
Wilhelmina Stadion.

ENTRADA: Tribuna cu dak Fl. 3.—  
Tribuna sin dak Fl. 2.—  
2 Mucha ta drenta cu 1 kaarchi.





Kende ta laga di tu problema?

Tur dia nos ta experimenta esaki: hobernan riba terreno di amor, school, deporte y na cas cu mayornan cu educacion di nan jiuinan, relacion entre esposu cu nan señora, quehaceres di nan mes, relacion cu bisnaya y familia.

Como Rosemarie sabi cuanto problema ta molestia un of otro persona, e la pone su mes na disposicion pa tur diamars e diha conseho gratis riba e diferente problemanan cu bo por confie den nos corant. Manda bo carta pa "Arubense Corant" Nieuwstraat 85 y skirbi den un luki di e envelope bo cla "Correo Confidencial". Si en caso bo problema ta concerni algo muto personal y bo no kier pa e conseho publico den corant, auto bo por ta asina bon di inclui den e envelope otro envelope cu bo adres riba dje y stampia, y e ora ey bo ta huanu un conseho personalmente.

Rosemarie ta dispuesto na yuda bo!

Bon dia mi apreciable amigo Rosemarie!

Mi ta spera cu na yegada di e carta aki bo ta bon di salud, manera ta deseo di mi curazon. Mi tin un problema. Rosemarie i mi ta bin pidi bo un conseho. Mi ta un hoben di 17 aña i mi tin un muchu di 19 aña. Esaki tin un yiu cu un otro muchu homber. Tin biha mi ta rabia cu e i mi no ta haci'e caso mas. Pero el a bai bisi mi hendenan esey i nan a puntra mi ali cu mi ta haci asina. Su mama tambe sa cu mi ta namora di dje i nan ta contento, pero ami no ta satisfeco. Mi mes mama no bisi nada ainda. Kiko mi mester haci, Rosemarie. E ta stima mi si.

Amor Tolondra.

Amor Tolondra.

Mi amigo, bo ta poco na duna pasobra bo no tin AMOR BERDADERO pa e muchu muher ey. Ademas, lo ta mucho jong pa pensa na cos serio, cu un muchu muher mas bieu cu bo ademas cu un yiu. Bo no ta satisfeco pasobra bo ta prefera un muchu muher

di bo mes edad, un teenager, pa bo conoce bon, i pa despues cu boso bira mas grandi bini asunto serio di matrimonio. Tuna mi conseho: bise e muchu muher ey sinceramente — sin nada di mentira — cu bo kler e bon, pero cu bo no tin hasta stimacion ga drenta seriedad di un matrimonio. PESEY BO TA TERMINA TUR RELACION. Bo no por sigui cu un senjorita PASOBRA SU HENDENAN KIER I ESANAN DI BO TAMBE. Esey no ta un motivo pa dos hende casa. E muchu muher si ta stima bo pero amor tin di lina di cos banda i abo no ta stimele. Wel, no hac e sufl portada, na probecha tampoco di su carino pa bo. Termina cunele mas pronto posibel i evita di bolbe contra cunele.

Rosemarie.

Apreciable Rosemarie,

Dispensa mi cu mi ta molestia Rosemarie, pero mi ta desea un bon conseho: Mi ta mama di un yiu, mi tin 29 aña i mi no ta casa. Mi ta stima mi yiu masha hopi aunque cu ta un vez pa siman so mi por mira mi yiu.

E motivo ta cu mi ta traha pa por mantene mi yiu sin molestia mi hendenan di cas, cu ta anciano eba. Pero Rosemarie, awor mi yiu ta birando mas grandi i e ta antoja pa ta cerca mi. Mi ta desea pa e bin bisi cerca mi. E asunto ta cu mi mama no kier esey. Ora mi pupia aki riba e ta bisi mi, cu e yiu ta bon caminda e ta. Mi no tin mag di pupia en tata di mi yiu. Mi mayornan ta bisi en e ta danjador di number di hende i e ta un bagamundo. Mi tata mescos, no por mira e homber ey ni pinta. Ami si ta stimele, apesar di tur su faltanan. Awor ta sosode cu mi a sinja conoce un otro homber, geuon como un amigo. Esaki kier pa mi drenta idea serio di casa cunele, i la ofrecé mi tur cos cu un esposu por ofrecé su esposu. E tin un bon trabao i bon ganamento. Mi ta welta tur cos cu mi yiu falta i ami tambe. Pero mi no por sin haya sabi di tata di mi yiu. Mi yiu, aunque ehikito, conoce su tata bon i ta yame "Tata". Rosemarie, kiko mi haci? Sigui cu e tata di mi yiu, cu mi ta stima hopi, kende no ta trata pa haya un cas pa pone nos aden? Of acepta e homber aki, cu mi no ta stima, pero ta ofrecé mi tur cos, ademas un bon matrimonio?

Corazon-maltrata.

Corazon-maltrata.

Mi amiga, bo problema ta hopi grandi i hopi difícil. Nos dos hunto esta abo i ami, lo bai trata di busca un solucion. E tata di bo yiu, claramente no ta stima bo ni ho yiu hasta, pa casa



Bao di un interes enorme a tuma lugar Diasabra atardi na Pos Chiquito e apertura oficial di Baby Bakery di senjor Epifanio van der Linden. Aki nos ta mira e momento cu pastoor Standemeijer di Savaneta, cu asistencia di senjor Van der Linden ta bendicionando e edificio nobo.

cu bo i pa drecha su bida. Bo mes ta acepta en e ta un "bagamundo". Bo ta bisi en te ainda bo ta stimele. Pero, mi amiga, amor ta un cos cu mester ta di nos curazon i di nos sintir. Un hende mester usa su sintir den amor. Sino e amor no ta AMOR mas, pero un sorto di enfermedad. Un hende, manera bo, cu sintir NO por sinti AMOR BERDADERO na un persona, en ta haci abo i bo yiu desgraciado. Bo por sinti un pasion pa un tal hende, un cierto dese sexual etc. etc. Claro, esey ta posibel. Amor tin diferente cara, mi amiga! Si e tata di bo yiu no kier drecha su bida, ta sigur en e na ta stima bo i no por haci bo feliz tampoco. Aho mes lo no bira feliz nunca, en un persona en ho ta considera como un bagamundo i en ho no por confia. Si bo casa cu un tal hende, lo bo sinti ho talvez gozoso algun luna, podiser un aña..... pero despues miseria i verdiet ta eminsa. Bo ta desgracia ho bida i bida di bo yiu.

Awor mi ta conseha bo pa no sigui (cu e tata di bo yiu tantem, cu e no drecha su bida. Pero mi ta conseha bo tambe: PA NO CASA CU E HOMBER, CU TA OFRECÉ BO TUR COS DI MUNDO. Matrimonio no ta co-

mercio, mi amiga. Bo'n por casa cu un hende, cu bo'n ta stima. Imposibel. Esey tambe lo haci bo masha infeliz, apesar di cos grandi, lujos i bon salario. Bo curazon ta keca den desierto. Kiko bo mester haci anto?

Gradici e "amigo" pa su oferta di casa en ho. Keda nicamente amigo cunele, sin ningun clase di intimidad. Podiser te hasta ta bon pa bo kibra amistad cunele. Como en e si ta stima bo i bo mester dunele su libertad pa por stima un otro. Bise en bo'n por casa sin amor, solamente cu sintimentu di gratitud i di amistad. Evita tur relacion en tata di bo yiu, pa bo no hanja bo "troube den trouble". Si e drecha su bida i si e kier casa cu bo... esey ta otro cos. Ta asina so mi por conseha bo, mi amiga. Tene curashi i acepta bo bida manera e ta. Podiser lo e cambia i bira mas feliz pa bo. Pero haci tur toke bo por pa convene bo mama di laga bo yiu bini den cas hunto cu bo. Podiser cuakier familia jong por yuda den dia cu e yiu?

Rosemarie.

### COMISION DI ESTUDIO PA HOSPITAL NOBO A KEDA FORMA

SAN NICOLAS, 23 sept. — Siman pasa gobierno di Aruba a forma un grupo di estudio pa studia e posibilidadnan pa construcion di un hospital nobo na Santa Cruz. Lago cu a worde pidi pa nombra dos persona, a nombra pa esaki e dokter G.G. Hendrickson y senjor J.J. Payton di e Cepartamenton technico. Na number di San Pedro Hospital tin asiento den e comision e dos directornan A. Nieboer y W.P.J. van Wijk y na number di gobierno srs. J. Eikelboom hefe int. di Welvaartsbureau y dokter J. Leo di Noord.

E construcion di un hospital nobo a ser recomenda antes na B.C. pa e dokternan De Groot y De Jong, despues cu esakinan a haci un bishita pura na Aruba. Lago ta interesa den e proyecto, pero si e lo hasi uso di e hospital nobo eventual, e directiva di compania no por bisi ainda. Como fecha propuesta pa terminacion di e hospital gobierno ta pensa 1967.

# YABI

## pa bo exito

# MARTINI

## VERMOUTH

**WIMCO**

ARUBA, Neth. Ant.

**sweet white extra dry**

**H. BAREÑO**

PIEDRA PLAT 44. — TEL. 1411.

E aviso cu mi a pone den corantnan, cu mi tabata tin mester di trahadornan di pam, esta Chauffeur, mucha pa parti pam y hende pa traha na fornu y mashin, na mesa, y slice ta completo. 25 trahador na total. Gracias pa boso cooperacion cu mi a haya e 25 hendenan aki cu tin gran experiencia den e trabou aki, y na tur e otro trahadornan cu sa di e trabao aki, pero cu no tabata tin suerte e biaha aki. Pero aki un poco dia mas cu trabou bira mas grandi, algun di bosonan lo haya trabao, cu boso mes cooperacion y di boso famia e trabou aki lo bira mas grandi.

**H. BAREÑO.**

## Drama na Corsow Tata a hoga su tres jiuinan y despues su mes

(Di nos corr. na Corsow)

WILLEMSTAD, 24 sept. — E mecanico di 29 aña Boebos Jansen cu ta biba na Buena Vista diadomingo anochi a mata su tres jiu hombernan Farley Rudolf (5 aña) Freddy Esteban Anthony (4 aña) y Eugene Cesario (3 aña). Despues el a mata su mes. E drama, cu ta ser jama na funcionariannan di polis, e mas grandi di e ultimo 15 anjanan, a tuma lugar riba e barancanan di e lugar di tira snshi na Hato. Boebos Jansen, cu ta traha den e garashi di polis na Mundo Nobo, prome a laga e muchanan kita nan panja. Despues di esey el a benta nan for di e barancanan di mas o menos diez meter di altura por fin e mes tambe a hula na awa.

Ajera tardi nan a hanja restonan di dos di e victimanan. Despues cu buzonnan a saca e restonan di e yiu di mas grandi, poco despues di merdia e restonan di un di e otro yiuinan a worde hanja pa un helicopter di MLD.

E drama a tuma lugar probabemente banda di nuebo diadomingo anochi. Senjor Jansen cu ta casa cu

un senjora cu cual e tin seis yiu cabapero cu cual e no tabata bisi hunto mas, poco prome a hanja pleu cu su concubina di 26 aña Eligia Paulina Leonora. Cu e senjora aki Jansen tabatin 4 yiu; tres yiu homber y un yiu muher.

Cine

Jansen a keda di bai busca E. Leonora y su amiga di cine, despues di a keiru poco cu e tres muchanan. Ora el a jega na cine su amiga no kier a bai cas cu ne y esaki a pone Jansen rabia asina tanto, y tambe door di presencia di un otro caballeru, cu el a dal su amiga y mama di e muchanan un wanta. Segun esaki a declara na polis el a bise e ora: "Bo no ta mira bo yiuinan nunca mas. Asina ta despedi di nan numa". E drama a haci esaki keriendo cu e homber tabata menaza solamente. E no a duna cuenta na polis, como un siman pasa tambe el a jega di pidi asistencia di polis ora cu Jansen a maltrata seriamente.

Djei Jansen mester a bai directamente pa e lugar di tira sushi na Hato, caminda el a bise e muchanan pa kita nan panja. Den auto nan a hanja e panjanan di e muchanan y tambe esnan di Jansen mes. Probablemente Jansen a coge e muchanan uno-uno tira nan na awa y despues su mes. Nan tur mester a muri inmediatamente como nan no por a landa.

Cu judanza di algun buzonnan polis a busca den e awa-riba e lugar di desastre y a hanja e restonan di un di e muchanan, esun mayor. Nan mester a stop e buscamiento como nan no por a hanja nada mas. Un helicoptero di MLD sin embargo cu a keda busca na e costa bruto di noord a hanja e cadaver di un otro muchu, banda di merdia. Ta worde spora cu e dosnan cu falta lo bini ariba despues. Polis ta keda controla e costa noord di Corsow.

### LAGO A ENTREGA ASFALT PA AEROPUERTO

E promer entrega di asfalt cu lo worde usa den construcion di un pista di aterizaje nobo y mas largu pa aeropuerto Prinses Beatrix, a worde haci 9 di september. Sels mil galon di asfalt un truck cu tanki di asfalt, especialmente trece na Aruba, pa e contratista cu ta haciendo e trabao, a worde transporta. E truck ta propiedad di Mac Namara Corp.

E entrega a worde haci for di un tanki di 9.000 barril capacidad. E tanki y su boca di tuberia a worde instala especialmente pa entrega asfalt cu lo worde usa na e proyecto di construcion di aeropuerto. E empleado encarga cu e construcion aki tabata W. Robles di Technical Department.

Lago lo entrega aproximadamente 1.650.000 galon di asfalt. Especificacion di e producto aki ta exigi pa e bira asina duru cu e por wanta e tremendo peso di un avion ora e dal riba e pista promer biahe. Mester cayenta e asfalt te na 350 grado Fahrenheit. Ora e fria e ta bira un superficie duro y duradero. Mas of menos 240.000 galon lo worde usa di e producto aki.

E truck cu su tanki lo core bai bini entre aeropuerto y refinaria, y lo transporta tur asfalt cu ta necesario pa e proyecto. E ta tuma mas o menos diez minuut pa carga e truck di tanki. Un aparato especial a worde construi pa yena e asfalt.

VERF MARCA

## ROMART

INTERIOR — EXTERIOR  
CUIDADOSAMENTE MESCLA PA PROTEHA E SUPERFICIE COMPLETO.

1 galon f. 5.10  
¼ galon f. 2.25

Tambe tin tur sorto di KWASHI.  
Obtenible na:

### Panama Store

Materialnan di construcion di calidad y na prijs atractivo esey ta solamente na

### PETRONA & CROES

For HEALTH FRESCAVENA

E refresco cu ta ALIMENTA

Agente pa produccion di QUAKER

### DE VEER & SONS INC.

Tel. 1326—5261

NOBO NOBO NOBO  
NASSAUSTRAT No. 34

Nos a eba di ricibi Daeron nobo den bunita disenos y tambe den color liso. Bunita tela pa bishita di fiesta pa Pasco venidero, Brocaat di Francia. Tweed, especialmente pa traha suit pa damas, den colornan fantasticamente y serea nos semper ta mas barata!

OFICINA MARITIMA DE ARUBA

Tel.: 2664 - 1622

Pa transportacion di mercancia y mudanza

### AUSTIN 1100 NOBO

ta un auto hopi avanza pa su tempo.

Cu „voorwielaandrijving“ „schijfremmen“ pa wielnan dilanti. Lock pa muchu ariba tur 4 porta, comodidad y espacio pa 5 persona.

● Pasa awe mes serca nos, pa haci un test den e maravilla aki.

### WARENHUIS VAN DER REE N.V.

Tel. 1213 Oranjestad

# KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIPS NAME	FROM:	TO:
BAARN	26 - 9 - '63 U.S. Gulf Ports.	Cur. Ven., Trid., Barbados, Georgetown, Paramaribo, Europe.
PARTHENON	26 - 6 - '63 U.S. Atlantic Ports.	Venezuela, Georgetown, Paramaribo, U.S. Atlantic Ports.
VIRGILIA	26 - 9 - '63 Canada, Curacao.	Georgetown, Canada.
ULYSSES	28 - - '63 Europe, Curacao.	Ven., Colombia, U.S. Gulf Ports.
ARTEMIS	3 - 10 - '63 U.S. Atlantic Ports.	Venezuela, Trinidad, Europe.
ORANJE NASSAU	8 - 10 - '63 Europe, Trinidad, Curacao.	Caribbean Cruise.

## CISCO KID presenta pa cortesia di ARUBA BOTTLING COMPANY NESBITTS den varios sabor, e refresconan mas pidi y mas gusta na Aruba.

1. Bo ta balente senjora! Mi ta senjora di un militar. 2. Pero... pero kico ta di un tal Vigo Baños. Nan lo arestale? Mi ta kere cu no. No tin prueba contra di dje. 3. Prueba? Si mi tabata homber, e monitru ey lo no bende airmas atrobe.

SOY ESPOSA DE UN MILITAR. ES UD. VALIENTE, SEÑORA! PERDÓN, ¿QUÉ SERÁ DEL TAL VIGO BAÑOS? ¿LO ARRESTARÁN? CREO QUE NO. NO HAY PRUEBAS CONTRA EL. ¿PRUEBAS? SI NO FUERA HOMBER, ESE MONSTRUO NO VOLVERÍA A VENDER ARMAS!

## EPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

MUCHAS GRACIAS. ESPERE UN MOMENTO. EL CARNICERO MEDIO QUE LE DESTARÁ ESTA CARNE AGUR...

CUANDO PASE POR CASA DE LA MODISTA, POR FAVOR DÉJELE ESTE VESTIDO.

DÍGALE QUE REDUZCA EL DOBLADILLO Y QUE AMPLÍE LOS FLECOS...

POR AGUR, EL REPARTIDOR DE CARTAS NO ES LO PRINCIPAL.

1. E carnicero a bisi mi pa laga e carni akinan. Masha danki, warda un rato. 2. Ora bo ta pasa banda di cas di e modista, haci mi un favor, laga e bisir aki ey nan. 3. Bisele pa rehata e zoom, y pa haci e rand mas hanchoso. 4. Aki banda, e parimento di carta no ta principal.

7-18



# FALTA 2 DIA MAS PA E GRANDIOSO CONCURSO DI E FAMOSO RON BOCA CHICA CERA!!

Dia 26 di september ta e dia grandi cu e consumidornan di RON BOCA CHICA tin oportunidad di gana premionan valioso, e.o. 1 Station wagon KADETTE '63 - 1 PIANO - 1 AIRCO  
FEDDERS - 20 premios di UN CAJA di BOCA CHICA 12/1 y 100 premios di 1/2 gln. di RON BOCA CHICA. Sigui bebe lo mehor. Sigui spaar bo botternan pa otro sorpresanan cu lo sigui.

• Agente: E. F. DEBROT INC. - Nassaustraat 98 - Tel. 1040



## Awacero a stroba partido Heineken's. — Zenith

(Di nos Redactor Deportivo)

Despues di tres inning di wega, diadomingo mainta e partido di baseball AA entre e novenan di Heineken's y Zenith mester a worde par. E motibu di e paramento tempran aki di e wega tabata e awacero cu a cai y a danja e tereno obligando suspension di e encuentro.

Na e momento ey e partido tabata empata na tres carrera pa banda.

Manera nos a menciona eaba e partido aki ta di suma importancia pa e equipo di Heineken's. Un triunfo ta trese un empate entre nan y Esso Servicecenter den e promer lugar. Den e caso aki lo mester worde hunga un play-off entre nan dos pa dicida e dos promer puestonan. Pero si Heineken's perde contra di Zenith, anto Esso ta automaticamente campeón di e division doubel A di nos baseball.

## Cumpleanjos

Dia 22 di september a cumpli anja senjorita Aida Geerman, felicitacion ta bini di su mama, rumannan Maiky, Margo, Ely, Show y di su dos primonan di Corsow, pepenan, Vera Geerman, Federica Ganarra, prima Betty Chocot na Hulanda, amiga Judith Chacuto na Corsow y demas famia Geerman, Croes y Maduro.

Ajera a cumpli anja senjora Petra Irausquin, felicitacion ta bini di su esposo Roman Irausquin, yin di su Cipriano, Catarina, Jacobo, suero Benny Geerman, suera Rosa Irausquin, especialmente di su 3 nietonan, Kenny, Junior y Lourdes Irausquin y demas famia.

Dia 22 di september a cumpli 8 anja e hobencita Marilyn Schwengle, e ta ricibi hopi felicitacion di su tata Antonio, mama Olga, rumannan Ronny, Jorge y Hector, welanan Theolinda Schwengle y Maria Ras-

miñ, welo, bisawela, madrina y padriño, 8 primonan, 10 primanan, omo y tantanan y di tur su amiguitanan di 2de klas y demas famia.

Dia 22 di september a recorda cu 8 anja pasa cu senyor Eduardo y senjora Paulina Lanol a drenta enlace matrimonial, felicitacion ta bini di nan yunan Ronny, Merry y Isabela, mama Teolinda Schwengle, tata Alberto Lanoy, rumannan, subrinanan, suegra y suero y demas famia.

Dia 23 di september a cumpli 2 anja e hobencita Nelly Geerman, felicitacion ta bini di su tata Cipriano, mama Irma, rumannan Aura, Olivia y Tico, tantu y omonan, welo y welanan, primo y primanan, madrina Maria Vaz, padrino Antonio Koolman y demas famia Geerman y Heineken.

Awe dia 24 di september ta cumpli 5 anja e hobencita Elastenia Jeante Quidada, felicitacion ta bini di su tata Julio, mama Cornelia, rumannan, madrina y padrino, especialmente di su madrina Margarita Quidada, subriño y subrinanan, y demas famia Quidada y Nuhoer.

Dia 24 di september ta cumpli anja senjora Agreppia Wernet y ta ricibi felicitacion di su estimado esposo Mauricio, yiu Maria, mama Clarita, rumannan, suero Venancio, cunjanan, especialmente di Petra y Carmen Wernet y demas famia Wernet y Rafini.

Awe ta celebra su feliz cumpleanjos senjorita Irma Maria Werleman, hopi felicitacion ta bini di su mama Cecilia, tata Gilberto, rumannan Helena, Ursula, Bochoe y Mina, welo y welanan, tantu y omonan, amigannan Anna, Luisa y Marco Croes y demas famia Werleman y Dania.

Awe dia 24 di september ta cumpli 21 anja di nan boda matrimonial, senyor Pedro v.d. Linden y senjora Tina v.d. Linden, felicitacion ta bini di nan 7 yunan, Filomena Jacobs, Agustín v.d. Linden, Martha, Anna, Chioce, Eddy, Edwin, dos rumannan Antonio de Cuba, Francisca Valdez, subrina Clara Valdez, especialmente di nan nietu Ivon, Mariana Jacobs, suero y sueranan, y demas famia v.d. Linden, De Cuba, Valdez y Jacobs.

Awe dia 24 di september ta celebra su fecha natal senjora Marcela Geerman, felicitacion ta bini di su esposo Rafael, yunan, Sita, Ereni, Rubia, Chila, Johnny y Rica, su rumannan y demas famia.

## TEAM BISLIP, MUNSERHOFEN Y RAS NA CABES

(Di nos Redactor Deportivo)

Un total di cinco team a competi diadomingo pasa den e promer parti di e seleccion pa dos equipo cu lo representa Aruba na e proximo Torneo Internacional di Spearfishing y Trolling cu den luna di november lo tuma luga na Bonaire.

E team consistiendo di e conocido tiradornan Martinus Bislip, Epifanio Ras y Joseph Munserhofen, e mester cu den forma a representa Aruba den e torneo anja pasa na Miami, a tuma delantera riba e promer dia di prueba cu un total di 244 puntos. Den segundo puesto cu 153 puntos a keda e team di Percy Sweetnam, Buchi Muyale y Wiwi Marchena.

Number tres cu 88 puntos a bira Roy van Putten, Eddy Wierma y Nathaniel Andrews. E team di Benny Ras, Sonny Hassell y Josehy Nobrega a keda den cuarto puesto cu 84 puntos, mientras cu na ultimo lugar a keda e team di Dominico Geerman, M. Boekhoudt y Eusebio Geerman cu 45 puntos.

E equipo cu en total despues di diadomingo awor, e segundo dia di seleccion, tin e mayor cantidad di puntos lo bira e equipo oficial cu lo representa Aruba.

Cu ayudo financiero di A.S.U. ta worde manda un segundo team tambe, cual naturalmente lo ta esun cu na final di e prueba di e seleccion lo ta den e segundo puesto. Tur biaha cu e Torneo Internacional di Spearfishing y Trolling di Antillas a worde teni e aida, Aruba a worde representa door di dos team, uno como oficial y e otro como no-oficial. E anja aki lo ta mescos atrobe.

## ONCENA CANADES TA BIN HUNGA NA ARUBA

(Di nos Redactor Deportivo)

Diahuebs awor lo hunga pa promer biaha den historia di futbol di Aruba, un equipo procedente for di Canada. E equipo aki ta yama Montreal Ukes F.C. y lo enfrenta un seleccion di nos isla. E encuentro internacional aki lo tuma luga den Wilhelminastadion.

## A SLAAG PA CURSUS SUCCES

ORANJESTAD, 24 sept. — Ayera esnan cu a slaag pa e cursus di type di Success a keda anuncia. E afortunadonan ta e damas: Grace Werleman, Edwina Yarzagaray, Hlogia de Mey, Jolanda Pietersz, Isabel Pichardo, Ella Alicia Yarzagaray, Rika Weller, Avelina Garcia, Eileen Tromp, Elle Williams, Maria Lucrecia Maduro, Aura Boekhoudt, Edna Croes, Myrtha Baren, Hetty Boesjes, Helena Tromp.

Y e caballeronan tabata: Victoriano Koek, Hyacintho Tromp, Rafael Werleman, Clemente Zievinger, Teodoro Tromp, Karel Croes, Francisco Wolff, Augustino Maduro, Jose Rivero Edwin Lalee. E mehor cu a slaag tabata senyor Augustino Maduro.

## AGENDA

CINE

Diamars 24 september 1963  
DE VERE 8.30 p.m.: "Exodus" 18 J  
RIALTO 8 p.m.: "Pobre del Pobre" 18 J  
PRINCIPAL 8 p.m.: "The Guns of Navarone" all  
AURORA 8 p.m.: "En casa tercia un amor" all  
SAVANET 8 p.m.: "The Divorcee" Mrs. Mabuse 18 J

**BOTICANAN DI WARDIA**  
ORANJESTAD: Botica Oduer Tel. 1780  
SAN NICOLAS: Botica San Lucas Tel. 5119

**DOKTERNAN DI WARDIA**

Oranjestad-Noord: Dr. J.R. Leo  
San Nic-Sta. Cruz-Sav: Dr. J.G.H. Jansen

**WIT-GELE KRUIS**

Oranjestad: Dr. Ewald  
San Nicolas: Dr. Perpetua  
Santa Cruz: Dr. Ludovic

**RADIO ANTILIANA**

Diamars 24 september 1963

05.30 Apertura  
06.10 News in English  
06.30 Noticiario na Papiamentu  
06.45 Te 7.45 a.m. Bai trabao den compania di bo companero constante Radio Antiliana  
07.10 News in English  
07.30 Noticiario na Papiamentu  
07.45 Noticiario Musical  
08.30 Musica varia  
09.15 Programa pa amanan di cas.  
11.15 Musica musical  
12.00 Melodias Antillanas  
12.15 Noticiario na Papiamentu  
12.25 Melodias Antillanas  
12.45 Charla deportiva  
01.00 North - American music  
02.00 Album di recuerdo  
02.30 Boleros romanticos  
03.00 Festival musical  
03.30 Programa pa pacientnan den hospital  
04.00 Programa "La Esperanza"  
04.30 Peticiones  
05.00 Noticiario na Papiamentu  
05.15 Calypso  
05.30 Musica varia  
06.00 Charla deportiva  
06.10 Musica Norte-Americana  
06.30 News in English  
06.45 Noticiario musical  
07.00 Felicitaciones y complacencias  
08.30 Nota alegre  
09.00 Musica Latina  
09.15 Musica varia  
09.30 Anuncios

**RADIO CARACAS TELEVISION**

Diamars 24 september 1963

6.45 Senderos de luz  
9.00 Cajas con sorpresas  
9.30 Jardin de infancia  
10.00 Ingles por T.V.  
10.30 Programa de Cecilia Martinez  
11.15 Quien es quien en T.V.  
11.45 Novela  
12.00 Show de Saume  
13.00 Noticias  
13.05 Cont. Show de Saume  
13.15 Se necesita una amiga  
13.35 Novela  
14.00 Punto y aparte  
14.30 Yo se lo vendo  
15.00 Estudio de Hector Monteverde  
15.30 Perfecta ama de casa  
16.00 Aventuras de Popeye y Yoyo  
16.30 Mejias y sus muchachos  
17.00 Tie Tac Toe  
17.30 Pelicula  
17.55 Noticias  
18.00 Nota 98  
19.00 Teletatro  
19.30 A gozar muchachos  
20.00 El Observador  
20.15 Novela  
20.30 The Amador news

21.00 Julian Pacheco  
21.30 Ruta del Sol  
22.30 Noticias  
22.35 Cine para todos.

**RADIO VICTORIA**

Diamars 24 september 1963

A.M.  
9.00 Apertura  
9.05 Ultimas noticias  
9.15 E. bijbel Habi  
9.30 Gimnasia  
10.00 World news  
10.10 The Bible for you  
10.15 Radio Revival  
10.45 Thoughts on home  
11.00 Chapel of the air  
11.15 Novela  
11.30 Melodias di meridia P.M.  
12.00 Ultimas noticias  
12.15 Musica sacra  
12.30 World News  
12.45 Quiet time  
1.00 Radio concert hall  
2.00 Reading Room  
2.15 Songs of Zion  
2.30 Quiet hour  
2.45 Ensayos musicales  
3.15 Melodias del alma  
3.30 Adelante Juvenil  
4.00 Musica di banda  
4.35 Ultimas noticias  
4.50 Muchanan pa Cristo  
4.55 Noticias na Spanjo  
5.00 Academia del aire  
5.15 Palabran di bida  
5.30 Musica para la cena  
6.00 Ultimas noticias  
6.30 Charlas a la Juventud  
6.45 Nederlandse nieuws  
7.00 Horatio Hornblower  
7.30 Children's corner  
8.00 World news  
8.15 Off the record  
8.30 Back to the Bible  
9.00 Musical gems  
9.30 Bible time  
10.00 World news  
10.05 Kluske muziek  
11.00 Sign off

**RADIO KELKBOOM**

Diamars 24 september 1963

7.00 Opening  
7.02 Bui dia cu alegria Instrumental  
7.05 Musica Norte Americana  
7.30 Musica Matutino  
8.00 Selection Musical cu disconan Latino Americano  
8.30 Cumpleaños feliz  
9.00 Noticia social  
9.15 Peticion musical pa telefon  
10.00 Noticia internacional  
10.15 Musica varia  
10.30 Programa di N. Habibe Jr.  
11.00 Noticia internacional  
11.05 Musica Norte Americana  
11.15 Musica Antillana  
11.30 Musica varia  
12.05 Noticia internacional  
12.20 Musica Norte Americana  
12.45 Noticia local  
01.00 Musica varia  
01.30 Mei ora cu Boleros  
02.00 Novela (repeticion)  
03.00 Melodias Instrumental  
03.00 Musica Colombiana  
03.15 Twist  
03.30 Calypso  
03.45 La Mariposa e International Supermarket  
04.00 Musica cu sabor Azteca  
04.30 Noticia social  
04.45 Cocktail musical  
05.00 Danzones Cubanos  
05.15 Musica varia  
06.00 Noticias deportivas  
06.15 Musica varia  
06.30 Musica para la cena  
07.00 Noticiario internacional na Papiamentu  
07.15 Musica Europeo  
08.15 Novela (Vida Robada)  
08.45 Musica varia  
09.00 Careda musical  
10.00 Clausura.

**Lesu Arubaanse Courant y  
keda na altura**

## HASI MAS USO DI ELECTRICIDAD NA CAS !!

Tarea di ama di cas ta bira mucho mas suave y bida di amanan di cas ta bira mucho mas agradabel.



## DICK TRACY

1. Arcade Arms - Arcade Arms Ar-  
2. Bo no mester a dunela e di dos sigaria ey. E ta bai haciela malu.  
3. Wel, no e no ta haci malo, ta un medio barata pa un bon conseho legal asina. Bo ta yama esey conseho legal.  
4. Con e por sabi cu Arcade Arms ta un bon lugar pa seonde? Thistle ta puntra. E ta un parha bieuw y sabi, Punky ta bisa.



## RIP KIRBY JAN BODEGOM & CO (Aruba) N.V. TEL. 1284 - 1402

agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE

1. Mi no ta mira Ming ni e oronnan, quizas ta bira ora pa sali di e dragon.  
2. Subi ariba e balcon aki. For di aplan e dragon ey no por mira bo.  
3. Porfin mi por laga Ming cu un fortuna.



## DIANA E HUERFANA

**HOLLANDSE BANKETBAKKERIJ**

Oranjestad tel. 2798 — San Nicolas tel. 3478

**E mehor adres pa Bolo y tur clase di/paso-boca.  
Diariamente fresco.**

— 3 —

—Bo lo pasa bon cerca nos, mi yiu, el a bisa.

E direccion di e huerfanato tabata para tras di su escritorio. E tabata waak Gebert bon, y esaki tabata sa kiko e kier a tende.

—Ta tur cu bo tin esey? el a puntra mirando e bullo den e mucha su man.

—St....

—Bo lo mester compra panja nobo pa Diana, e panjnan di e institucion ta keda aki.

—Esey no ta haci nada. E lo pasa bon cerca nos. Masha danki. Gebert a hala Diana pa bai pa e porta. E no tabata sinti su mes mucho bon.

Louisa tabata entusiasma tocante su idea, como cu el a realiza un bez cu un mucha asina mester ta mucho mas harata cu cualquier otra. E tabata spera un mucha fuerte cu por a traha duru.

—Bo ta poco flacu ainda, Gebert a murmura riba eja, bo lo mester come bon.

—Si Papa, Diana a contesta feliz. Mi ta asina contentu cu mi tin feliz di bini cerca bo. Bo mester ta un hende bon, solamente hende bon tin un corazon pa huerfanonan.

—Hm. Ruffo Gebert a haci.

—Semper mi lo keda gradici na bo, e mucha a continua.

—Pesey, bo lo tin basta oportunidad, e campesino a grunja. Bo mester juda poco den e trabao di cas, bo sa. Juda mi Louisa un poco. No haci cos di floho, pasobra e no tin mucho pasenshi.

—Mi lo haci mi best. Papa, Diana no tabata sa cu e avisonan di e hember tabata hustifica.

Den e huerfanato el a sinja cushina eba, e por a coce un poco jambe.... E lo no duna su mayornan nobo mas trabao.

Un ora despues e dosnan a baha for di trein. Timido y sin papia nada e mucha tabata cana banda di e campesino den e pueblo chikitu. E tabatin berguenza pa su bistir, pasobra ningun hende tabata bisti asina maho.

Cuantu bistir bunita no tabatin den e paisnan. Tabata dificil pa Diana no keda para dilanti cada showcase.

Nunca e no tabata sali easi, y ora esaki tuma luga nan mester a cana den rij banda di otro, vigila pa nan maestranan.

Gebert no tabata comprende cu tabata su prome pasanan den un mundo completamente distinto.

E tabata muestra rabia, no manera un tata bon, cu Diana kier a mira den die.

Pero esey tabata pasobra e ta-

batin berguenza pa su bistir mahos.

—Aki tur cos ta asina bunita. Diana a bisa emocionado. Bo mester ta masha feliz cu bo por biba aki semper.

—Tin hopi trabao, e campesino a grunja. Bo lo mira cu nos no tin tempo pa sonja. Cana poco mas duru, mi no tin tantu tempo. Su voz tabata sona asina streng cu Diana a spanta.

—Esey ta mi canucuc, y esey ta mi casa Louisa, trata pa entende bon cu ne.

—E ta mi mami nobo toch. Diana a contesta simplemente. Pe esey tabata nifica cu e tabata stima e mher eba.

—Hm. Mama.... ay si.... E campesino a bisa. Louisa! el a grita di leuw eba.

E campesino, cu un panja sushi su dilanti y su cabai mara cu un panja, a bira su cara. Sin cara, mahos y antipatica a cambia pa un sorpresa desagradabel, ora cu el a mira e mucha.

—Ta ken esey ta? el a puntra.

—Diana.

—Esaki? bisami ta loco bo ta? Asina un criatura flacu? E lo no henter dia, y traha sigur e lo no por. No tabatin otro? Esaki no ta keda aki!

Diana cu a saca su man pa e munda su mami nobo, a haci poco paso atres.

Louisa Gebert no a waak e mes, el a pone su atencion completamente riba su esposo. Su wowonan tabata brilla peligroso.

—Ta kiko bo ta pensa. Ruffo, el a grita. Hasta un hende ciego por mira cu e no por traha.

Sigur e no por hata lechi di e baccan.

—Mi lo por sinja, Diana a bisa suave.

—Sera bo boca! Papa solamente si mi puntra bo algi, e campesino a sundre. Bo ta bai un bez bek caminda bo a sali. Nos no por usa bo aki. Duna e placa pa trein Ruffo!

E campesino a hala su cara den un mueca.

(E ta sigui)



NOTICIA DI POLIS

Diasabra anochi banda di 9'or asistencia di polis a wordé pidi na un bar na Santa Cruz pa un bringamento. A resulta cu en tal E a hera per de su orea pa motibu cu un tal K. a gusta e orea. Un mordi a causa cu E. kende ta swa di K. mester a wordé hiba dokter pa cose orea.

Bochincha na Santa Cruz.

Diadomingo marduga un cuartu pasa di diez dos'or asistencia di polis a wordé pidi pa algun tiradonan di piedra cu tabata bombardeando un club na Santa Cruz. Patrouilla a asisti y a hanja e bechadario di e club den un bochincha di otro mundo. For di tras di un mantel di seguridad algun mulhechonan tabata munda piedra ariba e club. E bombardeo a bira asina fuerte cu patrouilla mester a hacé uso di arma disarando algun tiro di aviso. Un caballero baw di influencia di alcohol a wordé garra y encaerela. Polis ta investigando e caso.

Bombardeo di piedra

Diasabra atardi 4'or polis mester a duna asistencia na Santa Cruz pa un homber kende a ataca un bar y un tienda mescos cu un tanki di guerra. El a habri un bombardeo di piedra ariba e lugarnan aki. Kibran do tres glas di showcase, un glas di un "cooler" y un machin di conta. Ora patrouilla a yega el a baha na awa, pero despues a wordé gara na Jan Fleming. A resulta cu tabata e conocido caballero J.G. El a wordé hiba warda caminda el a hanja un cuarto gratis.

Dal y corra

Diadomingo atardi un 10 minutu pasa di dos'or un auto a dal contra di un poste di corriente den Nieuwstraat. El auto tabata wordé mancha pa e caballero S. T. Esaki a hanja cu ta mihor pa sigui corra y sonenta promer cu polis yega. Poco despues polis a hanja e auto na Morgenster.

E chauffeur tabata baw influencia di alcohol y incapaz pa corra auto. Ora polis a hanja cu ta mihor pa hiba e violado di ley warda. e pasahero R.T. den e mes un auto, na tabata di acuerdo cu esaki y a lanta cu polis. Cu algun kalamite den forma di klop, polis a logra domina R.T. Tur dos e caballeronan a wordé hiba warda caminda nan a hanja un cuarto gratis.

Hortamento na O'stad

Den e ultimo temponan, no ta pasa un weekend cu un of otro lugar no ta wordé bishita pa ladron. E weekend aki atrobe un of otro lugar a hanja e bishita no tan gusta. Diadomingo mainta un cuartu pasa di 10, a wordé avisa na polis cu a wordé horta den un club na Oranjestad. A resulta cu un bentana of ladronnan a drenta y a bai cu placa, whiskey y sigaria. Recherche ta investigando.

Hortamento na San Nicolas

Tambe na S. Nicolas e ladronnan tabata activo e weekend aki. E ora aki nan a bishita un grocery store den cual nan a bai cu un suma di placa.

Bringamento

Diasabra anochi un cuartu pa 11 asistencia di polis a wordé pidi pa un bringamento cu tabata tumá lugar den un refresteria na Savaneta. Ora patrouilla a yega

TRIUNFO PA ARUBA JRS. Y PLYMOUTH DEN SOFTBALL

(Di nos Redactor Deportivo)

Dos partido mas di e campeonato di softball a wordé hunga diadomingo mainta den Wilhelmstadion. Den e promer Aruba Jrs a derrota e equipo di Douane cu anotacion di 7 carrera pa 4, conestando total di 10 hit y cometiendo 8 error. Douane a conesta 7 hit y a comete dos error. Pitcher ganador tabata Victor Albus perdiendo L. Leonardo pa e douane-ronan Ta e segundo triunfo pa e equipo di Aruba Jrs y e promer derrota pa e team di Douane den dos salida tambe.

Plymouth a supera Los Novatos den e promer wega di extra-inning di e campeonato. E score final di e partido a bai 10 pa 8. Plymouth a conesta 15 hit y comete tres error. Los Novatos a conesta 14 hit y comete cuatro error.

Cu e ta un bateador di largo kilometraje, e hungador Richard Savans di Plymouth a bolbe proba conestando dos homerun, pa awor ta adilanti den e division aki cu total di cuatro homerun den dos wega. Den e promer y den e tercer inning Savans a conesta cuadrangular. B. van der Biezen di Plymouth tambe a conesta homerun den e promer inning cu un companjero na base.

Homerun number cuatro di Plymouth a wordé conesta den e octavo inning door di S. Saiche pa kibra e empate.

E empate a wordé logra door di Los Novatos den di seis inning di un homerun di Clemente Zievinger cu un companjero na base. Tabata e unico homerun di Novatos.

Plymouth tin awor dos gana den dos salida y Novatos tin dos gana y un perdi. Diabierne anochi Com panashi Clippers a obtene su promer triunfo di e campeonato derrotando e novena di Caribe cu convincente score di 16 carrera pa 1.

E clipperman tin awor un gana y un perdi y Caribe tin dos perdi cero gana. Elnar tambe a obtene su promer triunfo diabierne anochi. Nan a supera Rapidos cu anotacion di 12 pa 10. Un gana y un perdi Elnar tin awor, mientras cu Rapidos tin dos perdi sin triunfo.

ya e bringamento a termina. Tabata un bringamento entre e rumannan M. y e caballero K.

E caballero K. a wordé avisa pa bishita recherche y duna cuenta di loke a sosode.

Choke

Diasabra anochi banda di 9'or, tabatin un choke na altura di Rooi Ato, na e caminda pa Meiveld. Tabata un choke entre e truck A4284 y e jeep A7613, mancha respectivamente pa A.D. y N.E. E danjo material ta mas o menos un total di 1.200 florin. E truck probablemente a keda total lost E chauffeur di e jeep, N.E. mester a wordé transporta pa hospital caminda el a wordé tumá pa observacion.

A bolter

Diadomingo marduga mas o menos un cuartu pasa di tres e auto A8446 mancha pa J.M. kende no tin rijbewijs y tabata hola alcohol a bolter na caminda di Buena Vista. Tambe el a baha un trankera di cadushi. Danjo material na e auto ta 500 florin y na e trankera 25 florin.



Embahador Britanico ta vigila caha di documento

DJAKARTA, 24 sept. — E embahador Britanico na Djakarta Andrew Gilchrist, a pasa ayera algun ratu na e dos piso di su embahada cu siman pasa demostranten Indones a destrui, pa vigila documentonan importante.

El a baha drenta e edificio di embahada ayera mainta, pa situa su mes banda di e caha como protesta contra intentonan di fuente Indones pa kibra e caha aki.

Prome embahador Gilchrist a declara na un conferencia di prensa, cu e gobierno Indones a ningele entrada pa e embahada — caminda te ainda ta bula bandera Indones, cu e multitud cu tabata demostra a biva diarason pasa. El a kibra e conferencia di prensa, ora cu nan a bin bisé cu atrobe obreronan Indones ta trata pa kibra e caha, y a sali inmediatamente pa e embahada.

LES JOYEUX A FIESTA UN ANJA DI EXISTENCIA

Diasabra merdia a yega na Aruba 24 persona, especialmente hobenan di e club juvenil di Corsow Les Joyeux, kendenan a bin fiesta e promer aniversario di nan hermana club na Aruba. Un programa simultaneamente atractivo a wordé prepara pa e week-end. Entre otro tabatin un grandioso fiesta bailable Diasabra anochi — despues di un recepcion cu a tumá lugar den Commandeurshof Club na Savaneta, mientras cu Diadomingo tabatin un picnic na Cuncu Abao. E huespednan di Corsow a trece un regalo den forma musical pa e fiestamento di un anja di existencia, cual tabata e Conjunto Cu-razaleno Tipico Santa Rosa. E huespednan a keda na Hotel Casanova. Ariba e potret nos ta mira e grupo cu a caba di yega for di Corsow hunto cu e miembronan di Les Joyeux di Aruba.

AUSTIN-1100 SU SYSTEMA DI FRIA MOTOR

ORANJESTAD, 24 sept. — E sistema di fria motor di Austin-1100 cual ultimamente a wordé introduci na Aruba, ta wordé controla pa un thermostat, cu ta capaz di wanta presion y completamente cera, asina cu unabez cu e ta yena, no tin mester di yene mas, esta baw di circuns-tancianan normal. E auto su motor ta wordé fria pa awa y no pa aire.

UNION DI POSTVERENIGING A KEDA ESTABLECE

ORANJESTAD, 24 sept. — E directiva di e recién establece Sociale en Sport Vereniging van de Arubaanse Post-terijen, a ricibi bishita e weekend pasa di un delegacion di postterijen di Corsow. Di e departamento di Sociale Org di Corsow a bini senjores G. Cijntje, y V. Copra, mientras cu tambe a bini Ariba e representante internacional di e union di besteller na Corsow senjor R. Proefet y e advisor di deporte senjor J. Luisa.

Durante e reunion na cas di e presidente di e organisacion Arubana, senjor Milo J. Croes, a wordé dicidi pa establece e Unie van Sociale en Sport-verenigingen op de Nederlandsche Antillen. Den e directiva di e union aki cada isla tin cuater representante a base di igualdad. Pa turno presidentenan di Ariba y Corsow lo dirigi e union pa un anja largu. A wordé palabrá cu e statutan di e union lo ser traha na Aruba. Pesey pronto un reunion di miembronan lo wordé anuncia.

Entretantu e statutan di e club Arubano poco dia pasa a keda aproba pa Gobernador.

SALUDOS FOR DI HULANDA

ORANJESTAD, 24 sept. — Diarazon venidero, esta majan anochi un cuartu pa siete Radio Kelkboom lo transmisi e programa saludos for di Hulanda. Lo papia for di Gouda, cinco persona cu ta studiando pa enfermera.

Esakinan ta. Arnes y Ivo Saiche, Sylvia Peters, Cecillia Nicolas, y Alma Mason. E programa lo wordé ripiti diasabra anochi 6'or y mei.

Riba e „Pic de la Rocaille" den Pyre-neën serca di Perpignan den Sur de Francia, riba un altura di 1653 meter, e restonan kima di un „Viking" Frances ta drumi, cu a cai cu 36 turista Ingles y cuater tripulante Frances.

BISHITA DI DESPEDIDA DI ADENAUER NA DE GAULLE

PARIS, 24 Sept. — Cancellor federal di Alemania West dr. Konrad Adenauer a haci e fin di siman aki un bishita di despedida na president De Gaulle di Francia, esaki tabata e di 15 bishita for september 1958 cu e lidernan aki ta contra cu otro. Ne comementu di despedida canceller Adenauer di 87 anja a declara cu el a acepta proposicion di De Gaulle pa sigui cu su relacion estrecho cu e presidente Frances despues di su retiro! Segun circulanon cu tin relacion cu e gobierno Frances a tinuncia, nan a tende cu e canceller federal a laga e president sa, cu e no tin idea pa stop cu su actividad riba terreno di politiek. Asina cu e lo keda president di e partido Christian Democraat y miembro di Bondsdaag. Den edificio di Parlamento na Bonn ya nan a reserva tres cuartu pe.

Nan a perde avion Mericano di transportacion

DELAWARE, 24 Sept. — Un avion di transport di 4 moor dje forza aerea Mericano, cu tanata cu un tripulacion di 10 miembro a caminda di Dover capital dje estado Delaware, pa Azoren, ta perdi for ajera mainta.

E avion un Cargomaster, dje tipo C-133 mester a yega ajera tardi ne base Aereanwojes na Azoren y tabatin suficiente combustible abordo pa keda te anochi den laira. Despues cu e avion a subi nan no a tende nada mas di dje.



Di banda Ruso nan a anuncia malcomportacion di Chinesnan na e frontera entre Rusia y China. Chinesnan hoben kier a parti pamfletan anti-Ruso riba territorio Ruso. E personal di trein mester a actua, pero e Chinesnan lo a sera e personal y hendenan di douana den e trein. Riba e potret aki mas ariba por mira e trein di e incidente na su jegada na Moscu. Abao e ingeniero di e trein ta ser entrevista pa periodistanan.

ARESTACION DI FUNCIONARIO DI SHELL

DJAKARTA, 24 Sept. — Nan a detene na Balikpapan na oost Borneo director dje instalacionan local di „Shell" pa motibu di insulta gobierno y poblacion di Indonesia, asina e agencia Indones di prensa Antara, a anuncia awe. E director kende nan no a publica su nomber, a scheur un circular dje movimentu nacional Indones den cua nan a un tur partidonan politico reconse na Indonesia. Segun e publicacion di Antara nan a aresta e director aki for diamars di siman pasa.

CONCURSO INTERNACIONAL DI PIANISTANAN

LONDEN, 24 Sept. — A gana e concurso internacional di pianistanan na Leeds e participante di mas hoben, e estudiante Britanico di 17 anja Michael Roll. E tabatin mas di acepta e prome prijs, cu ta un suma di mas di 10 mil florin y un medalla di oro di „Princess Royal", un tanta di la Reina Elizabeth. E pianista di 19 anja di Moscu, Vladimir Kravnov a hanja e segundo premio y e Frances Sebastian Ristler e di tres y Armenia Adamas un mucha muhe di colo di 27 anja for New York e di 4 prijs.

ACTUACION INDONES CONTRA MALEISIA

DJAKARTA, 24 Sept. — E movimentu nacional, e Union di Movimentonan Nacional admitti na Indonesia, a lanta un accion di comando pa caba cu Maleisia, asina agencia Indones di prensa Antara a anuncia.

Entre tantu e segundo premier y minister di defensa di Maleisia Abdul Razak, a declara cu un accion contra Federacion di Maleisia lo hanja resistencia fuerte.

Pronto terriorionan uni lo cumintu un campanja pa obtene reclutan pa e forzanan di guerra.

Minister di finanzas di Maleisia a declara, cu e comercio di Singapore y Panang sin duda lo sufrí destrucion di Indonesia pa kibra relacion nan economico. E perhudicacion pa Indonesia sin embargo lo ta mayor. Avionnan di Malayan Airways atrobe no tin mag di baha na Indonesia!

CONGRESO MUNDIAL DI DEMOCRAATNAN CHRISTIAN

DEN HAAG, 24 Sept. — Partidonan Christian democraat di Europa y Latino America a organiza nan di 4 congreso mundial di 26 te 29 di september pa Straatsburg. E congreso aki lo participa representanten di e partidonan cristian democraat di Europa Occidental, representanten di partidonan cristian expulsa for Europa Oriental y principalmente tambe lidernan dje partidonan cristian democraat foi Centro y Sur America.


E 70 representantenan foi mas di 15 pais di Latino America lo duna e congreso un aspecto intercontinental. Tambe lo asisti observadornan foi Merea y Africa.

BO HOROSCOPO PERSONAL


ARIES 21 Maart — 20 April



TAURUS 21 April — 20 Mei



GEMINI 21 Mei — 20 Juni




CANCER 21 Juni — 22 Juli



LEO 23 Juli — 22 Augustus




VIRGO 23 Augustus — 22 September



LIBRA 23 September — 23 Oktober




SCORPIO 23 Oktober — 22 November



SAGITARIUS 23 November — 21 December




CAPRICORNUS 22 December — 19 Januari



ACUARIUS 20 Januari — 18 Februari



PISCES 19 Februari — 20 Maart



PREDICANTE REFORMA A BIRA PASTOOR

GRONINGEN, 24 Sept. — Obispu di Groningen a ordena den iglesia catedral di San Martin na Groningen drs. J. Loos pastoor.

Senjor Loos tabata antes predicante reforma di Hulanda na Hilversum. Ocho anja pasa senjor Loos a bira huntu cu su casa catolico. Nan yiu hombernan cu ta studia actualmente na Groningen y Wageningen despues tambe a bira catolico.

BUCHI ROBEZ presenta pa cortesia di PIET'S SODA FOUNTAIN tel. 2123

★ e mehor adres pa snacks, tur clase di dushi, softdrinks, ice-cream y revistas

